

南屏山人集

南屏山人詩集卷七

溧陽任端書念齋

早春聞賣花聲二首

京兆章臺麗日華
金鞭偏打帽簷斜
何人探得春消息
偷傍東風叫賣花

二

擔頭紅紫壓芳辰
陌上飛香送晚塵
便恐紛紛過蜂蝶
朝來愁殺馬塍人

晚寒

高閣閉春陰餘寒向晚深依依曾未斂細細覺
相侵不煖朱窓燭全低翠鳥音翦刀應更澁纖
手怯為尋

綠雲書屋丁香盛開同人小集花下胡
稗威有詩即次其韻

東風依約動簷鈴相對霏霏曉色清紫燕朝飛
如共語玉人春夢似初成平分皓雪千苞綻細
翦晴霞萬萼輕多少幽懷宜近處繡簾宛轉字
垂了

二

為惜柔姿照檻光
半籠微醉坐偏長
紅情瘦憶春前冷
綠意肥添雨後狂
拂石不妨侵短袂
擘箋猶喜帶餘香
何人寫出輕盈態
妬殺青蛾小謝娘

苑柳

宮鶯百轉曙花遲
暖入靈和寂綺枝
嬌挽芳菲乘鳳睂
嫩含烟雨傍龍池
一城晴絮將飛夜
三月春眠乍起時
何似風情比張緒
永豐坊裏獨

題詩

題李侍衛美人寶馬圖二首

曲二紅亭映綠苔
杏花低霞水滌洄
雲藍結束斜關外
疑是公孫舞劍來

二

誰寫天閑歎玉驄
雄姿壯氣動秋風
于今瀚海烽烟靜
只向花間踏軟紅

殿試前一日偕同年宋逸才宿禮部

杏園同是看花人
南省皆為綺席賓
相對表郎

華省月重追仙苑曲江春
璧間青雪詩堪寫燭
卷紅羅夢正新故事銀臺會相訪
廣平他日是
貞臣

午日臚傳恭紀四首

天門晴日麗雲軒
親榮賢良漢盛年
星斗文章呈甲乙
鳳皇毛羽列三千
鴻臚句唱傳金殿
名字香生近御筵
一荷重瞳揮鳳管
蕊珠宮樹萬枝鮮

二

鸞翔員嶠飛天同咏霓裳領衆仙龍甲三人
誰踞尾杏花千樹獨居先紅綾餽餅初承賜小
字泥金幾處傳回首五雲高太乙日華鮮照玉
階邊

三

二月常年鎖院深餘寒猶禁粉袍人 皇恩別
賜暄蘇節天意新移浩蕩春氣象早占風入律
文明正值火懸鶉三篇獨媿江都傳頭上花枝
映翠綸

四

殿陛傳呼次第來宮城鳩鵲綵烟開八方雲氣
排仙仗九節菖蒲捧御杯鳳羽世嘶天上錦
桂花重滿月中臺鳴鞭京兆筵前去山海何由
覩化裁

觀荷

玉竦平橋畫新蟬內院涼水流銀漢色花度錦
雲長殿送微風午舟移墜粉香羅裙嬌一色箇
箇羨人粧

庭中夜境

細二簾垂細二風小亭清景夜誰同樓臺星壓
明河淡院落燈搖綺穗紅更漏未沈花欲睡飛
鳥初定樹依欒孤吟靜賞無眠客閑倚闌干幾
曲中

飲後夜醒

得酒翻無睡頻聽玉漏斜簾紋涼薤葉虫語抱
缸花牕月分秋夢僧鐘起樹鴉披衣仍索句清
思入蒹葭

中秋對月憶友思舍弟

秋自今宵半人憐異地分酒杯還對月詩句抵
看雲水國始涼夜風林驚宿群嬋娟照無寐溥
露白紛二

聽齊次風前輩說海潮

浙江之潮天下奇來當八月秋盛時翰林先生
為我說目雖未覩意已知兩山夾立大海外中
開門戶豁若披潮生其間一起伏斗激怒勢成
崔嵬錢塘居人百萬戶中秋時節壓大堤紅粧

綺袖滿樓閣或乘白馬鞭青驪來觀爭逐日正
午江沙削鏡平如達海門遙聽萬鼓作香二匹
練動影低須臾直下捷若飛瞿塘象馬非等夷
雪山崩騰捲波浪百里疾迅無少遲前者伍君
騎素蜺激昂頓撼怒復噫後為文種殿其尾森
森萬隊翻銀旗排天蹴地盛氣覲鞭驅海伯從
鷗龜是時雷霆震莫持恍惚戰鬪翔靈祇聲搖
城郭擺高岬跳花濺浪凌危埤萬人叫絕眙且
睨魂駭目眩忘思疑軍行颯踏變難測劃分兩

陣茗指揮富春山遠瀧七里餘力頃刻驚神為
回濤酣遊似歸凱鼓角緩吹弭旌麾江平水滿
影不移越山青對吳山祠渡帆千笏風老二
流棹歌樂且怡吳天蕩漾青羅垂銀鱗一綰千
鮪鰐游人向夕扶醉歸海山幾點沉鳬驚生平
快意無過此元氣浩二隨天機廣陵何用誇枚
舛偉麗徒傳七發辭

重過索園

名園今再到艷舞憶前游網戶迷金鎖苔痕澁

畫樓花枝過客晚池水別家秋蕭瑟東門路何
人問故侯

題鄒晴川先生畫菊二首

晴日幽牕讀楚辭落英無數對霜姿秋生硯底
香生墨恰似淵明得意時

二

元晏先生巷陌幽朝回吟興憶滄洲倒籠紗帽
南榮下閒寫黃花過一秋

哭劉元啓

霜風一夜玉芝凋，銚掩金刀恨寂寥。
中壘書成藜火暗，若耶人哭隴雲遙。
馬嘶鄉里山陽路，江送銘旌月裏潮。
親戚哀耽況深分，淚絲長逐曉風飄。

黃芽菜

南國連山竹笋香，北都傾市菜芽黃。
難將評較論風味，但飽膏腴得細嘗。
下筯熊蹯挑玉軟，作羹犀貝抵珧芳。
晚菰鮮脆誰偏說，九月園官正著霜。

賦得山意衝寒欲放梅

臘光方逼歲春律近吹簫漸覺陽爻起微看物
候通峰重猶淡曉黛淺已浮空江國年華早南
枝景色逢暄蘇連嶠外消息近已東一氣吹噓
裏群芳變化中禁寒餘側破曙始曛留徑
紛雪吹林宛風晴知香欲動明覺凍初融
細吐憐幽蕊踈開待湍蕞黃昏隣寺月清淺隔
溪蓬向曉山村路橫斜幾樹同

戊午元日和殿賜宴

霄漢山龍照玉宸天開黃道正乾坤松雲日月
明嘉會兼露詩篇洒御息花照三觴迎舜瑄
奠開一葉近堯門千官上殿歌惟醉誰發東都
白獸樽

禁中春日

芝房香乳暈銅池天上春深畫景滋雲色鬱蔥
平樂觀日華浮動萬年枝門通青瑣穿花近烟
繞金爐出殿遲不是玉皇香案吏何由親到九
龍墀

花朝進經史

行殿甘泉曉東風別院春
君王親甲帳封事
引詞臣簪筆桐花發旌旗柳露新
玉堦宣喚罷
宮燕起來頻

耕藉恭紀

九重大孝昭王藉千畝東田啟歲康洪祀早祈
元日穀靈星原叶正晨祥膏融緹壤晴蘇蟄種
獻耕官潔貯霜太史先寅乘月令嘉辰吉亥應
天倉甸人祗被司堯稷農扈班行麗昊章霍蘩

鮮飈通五夜桑郊甘雨浥三陽金鸞陌上枝才
暖畫雉城南章卜香嶽蔚廣壇神景曙日輝行
幄蕊旂光碧杓萬隊嚴彪旅緇幘千官引鷺行
雲罕前驅麾太皞虹旂清路勅勾芒朱紘蕊珮
周文物鸞輅芝車漢奉常玳駟平臨簌竹迎翠
旄爭拂乳梧長桃花烟細迎仙仗楊柳風多近
御傍乙地紺轅隨黛耜康阡丹耦照青箱爰知
一壑躬親重共識三推禮數彰陪輦侍臣欣
徧灑登臺終畝看相將樂聲合奏蒼姬頌勞酒

歡承白玉觴，殿入寶岐華。蓋轉樓升丹鳳彩霞，
翔帛頒三老，恩全沛。租賜今年，德倍昌。已見棋
塍滋宿麥，旋從針水報新秧。杏知送節芳連屋，
蒲解催人葉滿塘。穀喚鳩鳴春，豈急犁肥榆莢。
曉堤忙散聲瓦鼓，勤堪繪處處。幽詩勸不忘水，
耨火畬交下。澤象畊麋，暎盡炎鄉無邊翠浪翻。
朱夏到眼黃雲繞，白蕨杵臼宜豐占戶戶。匏瓜
含潤影琅琅。農夫共慶曾孫稼，一穫真成十載。
穰樂拍醪旂，酺萬國瑞開鶉味壽遐方。端期錫

福來瑤甕會見呈符貢玉羊盛事侍臣兼珥筆
好將同穎紀明堂

臨雍恭紀四首

鼙鼓聲中簇仗齊
席闌春暖燦鸞旗
太平自重三雍禮
天子親瞻百代師
肅=虞庠兼授策
煌=周雅盛歌詩
東都故事無煩說
車駕從容曉詣時

二

紫芹芳苑璧池香
釋奠初成大道昌
氣象雲雷

光卣鼎精神絲竹動宮牆儒臣奉引陪行幄
天語遙聞徹講堂喜覩薪楨深雨露捧璋何處
不輝煌

三

聖主熙時敬典勤乞言端冕在成均一星大啓
天東壁六籍重昭斗北辰柏舍日迎芝輦麗杏
壇風繞翠華新
萬人

四

雨潤陰輕學市槐六韻清奏露門開諸生已見
重雲集侍子還從屬國來鴻業百年興禮樂靈
臺千載象昭回欲知稽古榮多少不數春卿漢
代才

題陳德泉先生小照二首

天際雨餘青不了一溪疎影淡晴暉幽人睡起
添情思拂石坐來香滿衣

二

清標玉骨兩脩然對影曾看夢欲仙為想夜寒

徵咏罷月明風定露涓二

送汪輔原之任大同司馬二首

玉鞭銀綬照人光
綺陌東風引旆長
春入關榆青草色
暖吹邊雪百花香
射雕成隊連千騎
司馬分符重朔方
今日裊煙平萬里
好披清嘯倚胡牀

二

白登城下繞洪河
外天低勅勅歌
鼓角霜晴催曉壯
胭脂花豔至今多
吟殘紫塞懸弓月
看

盡黃雲過駱駝早晚中朝徵魏尚歸來持節擁
鳴珂

方鏡次杭大宗前輩韻

誰裁蓮葉巧成方對影時二動渺茫月斧琢餘
新變樣金波平處自涵光碧天當戶涼如水翠
珮迴身映滿塘湯向王家詩玉照一奩宜近小
屏張

聞江南時雨足

溫風宿麥報初齊時雨良苗喜正肥天意欲令

吳得歲酒星真見夜抽旂駛驥千畝行秧馬舩
艣三篙沒釣磯消息鄉園徧歌舞好懷先逐片
雲飛

賦得荷風散香氣

白紵風前對碧絳朱荷亭上暗浮香洗來濃露
娟娟淨拂綽鮮飈嫋嫋長散蕊和煙籠玉沼映
枝初日滿金塘翠盤不定珠頻瀉鈿扇初裁袖
共揚試咏凌波嬌欲語暫窺瑤鏡影全粧輕盈
寫態微過雨縹緲傳馨靜繞堂衣薄乍翻紅玉

珮麝清先度紫羅囊飄將陣二氤氲好併雜散
聲款乃忙竹韵巧通簾密二蒲叢輕帶水決二
芳吟隊粉憐騷客淡共明漪送夕陽流思正看
餘馥郁多情猶覺動微茫還宜殿閣南薰裏時
和虞琴永晝涼

壽蘇畊餘先生八十

投絃歸來剡水濱華陽開徑種芝新平原座上
多名士元禮門生盡貴人對榻素琴娛永日檢
書紅雀伴閒身洛川風月知多少付與先生句

裏春

送瞻菴兄之任零陵

湘水零陵遠，休嗟薄宦微。
亭烏黃綬去，櫪馬壯心違。
沙際江魚上山前，石燕飛
莫回。秋雁少，遂遣寄書稀。

西苑逢七夕二首

風露輕明洗桂枝，綺羅天上送佳期。
澄波太液閒流處，定傷針樓百子池。

二

漢皇芳殿敞猗蘭方朔偷從楯陛看認得銖衣
霞五色天孫機上織初完

秋興四首

閭闔清商一葉浮明星低傍絳河流域遙丹鳳
三更夜臺上黃金八月秋菰米烟波矰雁急梧
桐砧杵字魚愁朝來倚柱頻看鏡幸照安仁未
白頭

二

幾回簪索袖香濃九乳清霜聽曉鐘天近赤墀

文石陞書稀青瑣皂囊封霄懸日月明西陸樓
倚崑崙麗紫峰漫說甘泉舊詞賦彩毫偷得咏
芙蓉

三

班捲鳴珂度驪驪苑墻西路接含章挂旗白帝
晴光起亭榭紅雲卻沼涼小隊題糕吹帽會平
沙盤馬射雕塲秦川錦水風煙地却過黃花十
載香

四

咸陽衰草洞遙深
遙對燕雲起夕陰
時節平分更凜冽
山川終古憶登臨
桂枝青問淮南樹
楊柳黃催笛裏心
聞道過江張翰在
玉飛鱸膾橘垂金

壽子和三兄六十兼送南旋

羯末封胡竄少年
門遙群從早隨肩
荆花一樹春先長
芳艸闔心夢正圓
婚嫁尚平行漸了
田園元亮事堪傳
羨君白首游京洛
歸去真如已得仙

二

還家千里片颿程好聽江南夜雨聲溪上桃花
圖畫裏天涯樽酒弟兄情少游下澤生平足處
士幽居歲月成相送不須筇竹杖為將強飯祝
身輕

種菊詞四首

自揀澄砂翠越磁漣泥篩水種霜枝休言爛熳
春花好時有清芬繞夢時

二

天隨宅畔杞苗春
處士籬邊嫩菜新
待得秋風溽露後
晴香盈袖與何人

三

細根分向沅江邊
嫩蕊飡從楚客前
今日始封畦稜直
手鋤微雨帶寒烟

四

九月空庭已得霜
一簪分入胆瓶香
洛陽朱勃能相遇
應賞金衣傷酒黃

南屏山人詩集卷八

漂陽任端書念齋

夢半閣雙桂

雙桂經年別秋風憶小山徑香人著夢閣迥月
當關蟬蜨紅依榭鱗皴碧點斑無因賦招隱相
共幾回攀

壽桐城張硯齋夫子四首

相門論盛事冠代美河東一德經綸契三台象
緯中麒麟身許畫珪壁道方崇今日誰臯稷端

令見古風

二

嘉猷周太保開閣漢平津物望歸元老朝廷識
大臣南山看正笏北斗應生申長借為霖手均
調四海春

三

高文裁典冊永鏡縉紳推勛業兼騷雅精神發
羽儀玉堂天上靜槐省日華遲退食從容處風
流足委蛇

四

家世通門久升堂
忝末行早因趨走地
時仰佩裾光華岳連
秋色黃花咏晚香何
人書畫錦座上獻安
陽

送陳衡北之任保縣

劍關西上萬峰懸
才子臨官耀玉鞭
佩印新看王吉去
飲泉行見褚瑤傳
火山遙對松州雪
隴月底隨蜀國絃
待得春花暖成綺
好攜琴霍蚤朝天

題王濟光令君小照二首

桑柘成陰幾載餘，閒將圖畫學潛夫。
故知仙令風流在不羨，江邊千木奴。

二

印鎖寒廳碧查烟，好風時度玉琴絃。
湖山影裡栽花了，官舍清于第二泉。

獸炭次張鷟洲前輩韻

獸炭來何因，將燒却嚴凍。沉二兼輶載，置務煩
官從擣香屑。柏脂搏手忘，龜縫戲如禺。馬刻珍

類形鹽貢烏銀截堅滑礮石出規礮尾旌竦柴
厓城角森危動始驅魑魅陣遂上彭亨甕噓韞
俄蒸然燒燎雜輕重彪二火山軍劇燄披橫縱
燧象儼爭狂烽牛執初閔猛熾日奪暄未燼漏
餘送灰翻雪消春靄過窓含霧披爐與綿旋生
平幾回共論功復何及于事徒詩用張侯追老
旭筆力搏幽空渴驥或馳風鬪蛇恒繞夢誰輸
馬遞薪祇對檐冰洞偶然思蘸髮未免薑芽痛
得此麒麟煤應勝朱陵頌淋漓會有時乞我連

窠鳳

駕祀山陵喜雪

薄暮峰頭歛夕暉
曉來急雪舞寒帷
冥冥不散風雲色
密密裝成錦繡圍
隔浦乍迷歸雁影
含花遙點侍臣衣
六龍此日經行處
喜見神皋宿麥肥

瑞竹為齊次風前輩賦二首

籠庭新竹是誰栽
天遣仙人為種來
駢角錦綳初脫玉
交翎文葆想分胎
枝間集鳳原雙引
陂

上成龍好共迴便與君家作祥瑞佳蓮不數合
房開

二

無根靈草自為群有節秋竿喜報孫弄日吟風
俱得地干霄穿雪兩當軒對青簑管香春粉咏
碧琅玕照酒樽恰似翰林兄弟好南朝才子並
高門

賦得霜中能作花

為愛奇姿好霜天報蕊能五更愁斷角成陣欲

磨稜祇覺幽香發全將朔吹凌何心爭逐暖抱
質許懷冰朶密輕攢玉花新細吐繒拂枝烟淡
薄移影月泓澄騷客芳樽酒蕭齋子夜燈分明
歲寒意相賞在朝興

己未元日賀雪

北闕千官肅珮珪年祥占喜雪飛初玉堦曉映
連仙掌瓊樹春開帶直廬向暖欲消鳩鵲瓦當
宵堪照石渠書謝莊衣上花成片併拂堦庭萬
乘車

賦得振衣千仞岡

碧梯千仞削崔嵬絕頂初來一振衣人在雲霄
春澹蕩氣通閭闔翠霏微諸峯平俯星羅列滄
海遙看練不飛萬里川原呈浩渺下方雷雨辨
衣稀紅曲懷抱真如許天地登臨意未違攜得
烟霞今日是洗空塵土十年非虹裳風珮兼飄
瑟瑤想瑤思信指揮幽興莫愁前路晚一輪新
月伴人歸

題易融齋洗馬圖二首

十尋官柳帶烟飛塘下春波泛影齊
草色連雲迴渡霞風流解惜錦障泥

二

看徧魚鱗萬頃紅自披清嘯對春風
參軍可愛登臨興喚買琅琊玉鼻驄

御試山川出雲

迢迢麗景迎初夏淙淙油雲亘遠天
東嶽曉烟千里合南溟積潤萬重連
乍看窈窕平於掌漸見巖巖散似綿
却帶波光搖太液仍隨嵐影度

花靚濃陰半繞青疇外薄靄斜分綠樹遶聚處
依然瑤簾滿凝來還映翠微鮮成章每覺無心
出潤物俱從造化宣聖主勤求勞寤寐好將
甘澤灑良田

試後同秦曙峯王孫服夜登小亭

前輩秦淮海神仙王子高高亭人共上良夜月
初遙得意花俱笑論文語暫囂霜鋒誰切玉院
漏正迢迢

送聚思兄弟旋漂陽

同為下第三年客俱作還鄉千里身
荆樹兩枝連內發葡萄一醢旅中親
殘春過盡藤花少水驛初逢乳燕新
到日江南歌白苧芰荷香裏脫征塵

謝曹理堂惠建蘭

玉箭瑤荃隊露濃
點檀薰麝曉光融
一叢尚帶甌閩雨
五月來隨舶舫
風帳展烟波幽夢入香清
連院晚涼通使君珍重遙相致
為待秋添幾穗紅

西苑侍直八首

紫靈宮殿絳雲深
華蓋星辰近翰林
不遣群仙容易到
玉笈金鑰畫沉沉

二

雲牕霧閣擁宸居
鳳字龍綈森寶書
甲帳何人朝侍讀
西京承詔有相如

三

苑樹籠烟翠幾重
暖香遙送百花風
為知近日春偏早
二月緋桃燄火紅

四

澄波太液曉微茫
寫玉流瑤出苑牆
自在金鱗搖荇藻
下來黃鵠送吉祥

五

禁帷視草整華簪
內院題詩拂硯函
五色額雲迎萬歲
千年山色似終南

六

珠幢霞鬢碧葳蕤
侍從金輿仔細知
一丈珊瑚烽火樹
親看南越貢來時

七

玉漏遲遲過禁烟九天仙掌月初圓侍臣更有
鄧攸在伴直誰呼孟浩然

八

夜寒蓮燭青綾被詔賜金莖白玉杯故事猶傳
小三昧飛龍騎馬出銀臺

從曹理堂乞畫眉

春煙篁竹裏無數語綿蠻憶向江南聽多于雨
後山人來京雒久官自校書閒曉起空庭靜時

尋小徑還幽枝看拂_二清弄少闕_二未教鸚哥
語休媒雉子斑嬌呼深葉底巧啄翠籠間小鳥
從君乞何如贈白鷗

題少宗伯張寶臣先生觀穫讀書圖二
首

龍眠山色鬱叅差
撿點疎花插短籬
銅雀鳴時秋正好
擔頭香過日遲_二

二

畧約當門竹徑開
雙溪題作小蓬萊
即今西裏

省幽意時有書聲共往來

送鄧雨峰之任褒城二首

千峰通子午仙尹去翩跹
寶劍隨花綬金鞍耀
玉鞭埃長秦樹迴棧轉蜀雲連
相送章門道書
題為早傳

二

秋浦風流在彈琴日幾迴
明時多事業利器少
徘徊地勝能懷古官清數舉杯
吾知漢廷詔應
屬望郎才

陳星齋前輩有酒獨醉不見簡招賦此
酒錢故少蘇司業醉卧還如李翰林後事青州
何處覓秀才敲戶幾人尋沉酣獨據淵明石酌
酹難援牀夜琴底事陳遵詩尺牘不將投轄喚
知音

題曹子大小照二首

晴光初散晚雲流石磴含青潤未收獨抱幽懷
時小坐露梢風葉正宜秋

二

竹根涼筍上闌干影帶銀牀素井寒知是桐君
有仙骨日長閒取道書看

送同門張見田庶常之任武平

文珂光動玉駝騮千里持符不暫留校字並登
鵷鵠觀題詩遙上荔枝樓重城花發稀衙鼓滄
海珠圓近鬱州共羨神仙垂綬處榕陰如畫不
知秋

九日

獵_二秋風作意狂西山佳氣自蒼_二寒蟬抱葉

凌晨出塞雁排雲獨夜翔對鏡漸驚蓬鬢白持
杯且喜菊花黃扁舟並泛何由得空憶江南紫
芋香

重陽後二日劉无方招飲花下即次其
韻

朝來青女破新粧相就東籬引興長滿把已憐
過九日遲開猶喜爛秋光驚見似酒分佳色蝶
粉和烟醉晚香細檢寒芳吟楚客不愁歸去月
微黃

題趙敦思滌硯圖二首

伯英池上水生雲
細滌松綾色不分
更捉蟾蜍共研墨
一行銀雁寫羊裙

二

犢鼻溪流一岸長
水花龍尾雜生香
襄陽漫仕今誰是
付與吳興白石郎

題趙松雪幽風圖

國風十五終于幽
義兼雅頌肆茂溫
賦情肖意出造化
聖人所作侔天元
誰能擬議還得到
如

昔仰日不可援豈知千載幾智巧能以圖畫相
追攀經營慘澹窮意匠丹青華底開乾坤吳興
王孫本英絕繪事神妙探崑崙裁縑擘練試好
手十幅價抵千璵璠想當結搆入冥漠經年閉
戶忘窺園拈毫欲落不敢落一朝風雨相飛翻
寫成往往通六義精能豈獨無遺言田桑鷄犬
雜景物節候隨變成涼暄老翁稚子共閒暇丈
夫畊獵婦采蘩機鳴稻熟勤所職壺瓜棗蔣藟
郊村鬚眉顏色相照發宛見忠厚朴且敦能傳

詩意不到象外貌取非跡論流傳年歲忽五
百精神爛若朝日瞰仙官未遣六丁取世間尚
得相全存貴家攜買或零落持歸審視後晨昏
比于廟鼎欣內郤襲以美錦飾以瑞帟頭通靈
信有說常恐破壁隨蜺蛇君看古來物有定散
轉忽若萍無根蔡邕焦尾到柳惲昭陵秘帖開
泉門我歲此畫正如寄後誰得者迷其原但令
奇寶解惜取詩成一咲臨風軒

大閱恭紀四首

帳殿勾陳七校呼 真人親把玉麟符為乘天
地行時令早煥風雲布陣圖星傍中黃明太乙
棋翻北斗耀璿樞唐弓九合冬官獻百中遙飛
金僕姑

二

五音吹律夜初收司馬張旃曉色浮屬壘霜嚴
周表貉揔干山立漢疆劉雷霆震疊環輦鼓龍
鳥飛翔繞旆旂馬阜車攻太平事靈憑延壽躍
亭樓

三

大駕冬旼講武功寶鈴神鉞衛重瞳海明蘭
錡犀渠白日暈魚麗韎韐紅楊柳箭花迷苑雪
驃姚駒影蹴霜風玉關卧鼓當今日頗牧何須
出禁中

四

靈鉦大角啓黃扉不數周陟遠合圍四海唐虞
兩階舞百年社稷一戎衣新輝日月麟臺仗永
奠星辰武庫威共識雄才仰神后軒轅華蓋

五雲飛

雪夜寄友思弟

夜深寒擁作詩肩，生怕飛花濕畫簾。
三徑凍封迷睡鶴，一樓清照訝明蟾。
對牀夢覺看燈暈，打艇誰來報水籤。
為憶阿連朝卧起，閒煎春茗問纖纖。

送芳洲二兄南旋次胡穉威韻

匆二依舊送君行，馬踏桑乾滿岸冰。
九陌流雲明似霍，一肩行李冷于僧。
燕臺風月誰相共，陽

羨溪山獨自登
知到故園多勝事
江亭如畫酒盈升

二

過江晴雪滿山村
指點郊園近郭門
木末波濤飛鳥亂
天邊簫鼓画棋翻
連花暖入清宵夢
池草春歸舊日痕
獨有東華門外客
吟肩寒擁月黃昏

舍弟信至聞高三維清病愈賦此以寄
傳道劉公幹
漳濱卧病初藥爐知未減詩卷近

何如相憶關宵夢情親託報書更憐扶杖後短髮不勝梳

題鄧泰和先生攜稚踏青圖二首

朝衫閒典作春游貧及鶯鶯語未休不待穿花騎馬去路人三月看遨頭

二

十經童子漢家郎池上携來小鳳皇咏徧芳洲未歸去更將香草問元長

咏玉連環

九子環雕截玉肪玲瓏鉤鎖巧叮將相連不斷
聲偏續宛轉齊迴影共光入手寔非金索落同
心堪寄玉卮娘即逢秦使無因解試買韓宣恐
未妨

除夕二首

重城簫鼓遏層雲漫把梅花仔細論歲事暗消
惟綠酒人間容易又黃昏連梅向暖浮書幌檐
雪初融沒屐痕聞說江南春漸好瑤流樂曲繞
柴門

二

千家烟炬撲霞飛
向夕齒山冷翠微
春色又從天上至
詩情多半病中違
牕前星月無今古
夢裏功名有是非
容鬢流年暗相送
江邊空負釣魚磯

南屏山人詩集卷九

漂陽任端書念齋

蘆溝橋值彭二荆山入都

跋馬去京國
橋頭悵望時
野花餘夕照
塞水漫春池
有客來相問
停車一致詞
今朝應翦燭
為我慰離思

白溝河

蒼莽燕雲入塞深
雄州遙指古城陰
平沙影外人家少
流水聲中戰伐沉
一葦南朝曾作界
兩

宮他日更傷心
蕭瑟度馬愁
行客落照西風意
未禁

趙北口

迢遞紅欄合
參差碧樹迴
沙蒲魚戶集
烟水畫
圖開
戰伐平時斷
風光去騎催
居人記游幸
曾說翠華來

劉伶橋

平橋曲曲抱春流
不見當年荷錦儔
兩岸梨花
明似雪
一溪鷓鴣鴨
小于鷗
藥囊珍重時
相致酒

債尋常未可求，死轡搖三間。極目夕陽西下晚，
烟浮。

德州道中苦風

險郡千年留德棣，清時無事客經過。棗花四月
垂鞍熟，麥穗平疇沒馬多。雲送行人爭白日，風
翻高浪動黃河。征衣欲共飛蓬捲，撲眼塵沙奈
爾何。

山行

長天雨過暮雲收，吳客驅車到上頭。絕似江南

好風景翠微深處叫班鳩

謁孟廟

七國肆爭鬪齊嬴帝西東儀秦劇縱橫鼓舌搖
虛空禮樂棄不用詩書久塵蒙大道一以塞至
教何由通誰歟述孔業夫子揚其風齊梁雖不
遇仁義伸區中昭然炳日月偉矣垂鴻功乃知
大儒效千載方見崇凜々師百立泰山仰後隆
俎豆儼且然位々深閼宮霜柏竟人立黛色攢
青銅枝柯拱廟貌天矯環虬龍樞衣古堂下肅

拜端禮容禹績比休烈明德知無窮

泗水橋

向晚風恬夕照生橋頭飛絮撲行旌坐臨曲水流
初湍望入奇峰眼倍明抱犢客來春雨歇耦
畊人去暮雲平相看只有青山在時遣鶯花送
客程

淮陰舟中

幾年辜負鹿門期綠水春帆愜所思江面日斜
翻燕子柳堤風靜立鷗鷺兒童不省追呼急婦

女多喧饁餉遲好是遠山啣暮靄滿塘蛙鼓亂
官私

泊舟二首

麥抽金穗熟蠶天小泊雲帆晚色酣未放黃梅
作絲雨綠楊城郭近江南

二

三尺銀鱗出網絲釀筒紅罌五加皮冶春好句
無人唱却憶尚書理郡時

揚州懷古

九州何地寂消魂一夢揚州恨曉雲六代江山
謝車騎千軍詞賦鮑參軍城經蕪淥青天古樓
自迷藏白日曛羸得朝喚愁裏酒波如海汚
紅裙

二

螢苑雞臺怨寂寂雷塘三月草蕭蕭隔江猶唱
陳隋曲明月空憐廿四橋禪智寺荒人不見木
蘭花發客無聊樊川彩筆添惆悵付與青旗處
處挑

題江十一榮讓園亭四首

南朝江令宅瀟灑近清溪
今日園亭好依然結
搆齊石多峰欲起路轉徑全迷
城郭安知處神仙自可攜

二

吹笛河陽塢鳴箏金谷園
誰知此城市別自有
花源幽意流泉寫新聲
度鳥簾坐來忘主客相對欲無言

三

曉日闌干碧薰風芳草長樹嬌千種色衣動一
園香捲幔烟霞翠關門歲月忘何人頻看竹詩
句刻琳琅

四

慧山泉石畔尚記昔年游別業重相訪親情欲
更留淮南過櫻筍四月破江榴一醉高亭晚吟
懷倍覺適

喬蔭山房觀芍藥

不待春風著意催日暄烟暖獨開遲玉妃自倚

傾城色要占清和第一枝

二

梢頭繭栗破香初翠袖分明映玉膚費盡胭脂
空十斛天然難寫蜀宮圖

三

憶得揚州金帶圍莫嫌仙種見時稀芳樽檀板
嬌羅薦蜂蝶留連共不歸

四

夢回瓊島認京花醉弄狂吟盡日斜縱有瑤紅

好顏色玉樓終羨列仙家

觀音山

隋苑尋無跡迷樓認此峰神仙斷雲雨歌吹冷
杉松劫換清涼地詩憐絳黛濃寺門愁過客向
夕打僧鐘

江十一招游平山堂晚際遇雨泛舟而

歸

畫欄縹緲上氤氲今古平山憶使君歲月尚留
題處字笙歌猶駐舞時雲南徐黛色分明見壯

固江穀次第聞共憶登臨千載後草長花落恨
紛々

二

一路松陰散馬蹄紅橋十里冶城西泉香古寺
僧分酌露引新桐客試題天惜晴曦全作暑風
翻小雨忽成泥雙橈宛轉尋歸路夾岬蒲荷綠
已齊

重觀芍藥歌

豐臺花事稱京師花翁種花連戶扉年々四月

夾城路喚賣芳菲千萬枝長安城中經歲住看
花嬾向豐臺路數錢但買紅粧鮮日銀罌水
頻注今年歸客來揚州蜀岡邊三日留主人
風流多好事招攜屢入名園游揚州舊稱多考
藥牡丹相映驕西洛千年花發尚依然接畝連
畦開華萼翠勻紅綻肌肉豐美人意態工纖濃
粉融酥暈逞窈窕絳翹金縷揚玲瓏邯鄲宮中
盡顏色臨風一笑皆傾國欲將彩筆咏竒姿縱
有芳辭吟不得秉燭誰能夜過籀絃促柱奈

人何且拚婪尾千杯酒惆悵明朝送玉珂

與易融齋方依文程玳南李席文江十
一昆仲飲綠雲閣

雲亭江館帶烟蘿裙屐聯翩勝日過南國騷人
從簪在廣陵名士至今多花飛曉樹繁々雨酒
捲春潮灩々波便向瓊筵扶醉去那將詩句閑
陰何

晚集喬蔭山房

堂前虹氣拂青萍遶際蟾光吐翠瑱
奠花到簾前

明夜燭人如天上聚春星三分海樹披團扇六
曲江峰入畫屏正是勾留行樂地壁兒歌裡細
曾聽

紅橋

幾曲紅橋路揚州
簾思多衣香浮
畫舫粧影亂
晴波飛絮暖
無雪垂天澹
似羅風光盛
游冶不住
繞笙歌

別方三依文

玉山照座不勝明
松竹風標霍性情
公子齒園

多慙句俊人南國有英聲劍鐔星斗終朝拭硯
匣琉璃盡日橫一向雕筵咏文藻更教烟月兩
心傾

二

京華相見早相知春色三分歆暮時慣喜鄭莊
能置驛更從文舉共啣卮廣陵城畔潮初落瓜
步洲邊月上遲十日平原不須約祗應來往稱
幽期

渡江

塵中人何事空擾

半閣

叢桂經年別
莓苔沒砌深
重邀登迥閣
還却理鳴琴
五月宜清暑
微雲弄薄陰
風光閒點檢
何似戀華簪

即事

風幔捲匡牀
烟暉靜草堂
新藤正堪架
幽草不妨長
徑竹憐青粉
盆荷引細香
今年塵事少
銷夏在江鄉

二

盧橘登盤熟鰯魚薦箸來
茗槍陽羨焙釀雪惠
山杯朋好餘情話鄉鄰
數往回扁舟間有約村
路摘楊梅

靈岩山

片石窈窕、岩從舊日霸當年
住西子香徑有
餘贅僧老花深處猿清夜半聽
衲留霜黛好長
學畫眉青

韋蘇州祠

今古吳中守猶傳韋左司
亂離天寶日淡泊五言詩
高木留遺愛荒榛出舊祠
無因薦蘋藻階露玉華滋

吳閶咏古

伯業銷沉不記秋
潢池猶憶動諸侯
功名掩屬吹簫客
戰伐終輸醉李仇
俱羨烟花連茂苑
可無麋鹿過長洲
東門恨不懸雙目
徒遣君王賜蠲鍤

舞鶴人看滿市闌不知荊露已斑々干霄帝氣
朝騰阜流水魚腸夜出關玉燕金蠶飛暗燭錦
帆香櫂換秋山千年好夢應難醒歲々東風銷
夏灣

陸魯望故宅

甫里先生久寂寥疎蕪故宅沒寒潮
藁書數卷人傳得何恨當年食杞苗

貞娘墓

虎邱山下貞娘墓行處殷勤慣問來黃土終難

汚顏色芳魂長作野花開

元妙觀

紫虛樓閣杳難攀長在仙雲縹緲間羽客何年
持絳節綠章中夕奏金闕風煙白晝兼蕭爽雷
電諸天自往還下界茫茫塵海濶笙歌相送不
曾閒

三高亭

洛下秋風一夕飛步兵東去拂征衣不緣名士
知機早但為鱸魚也合歸

二

何用黃金鑄此身五湖煙浪杳難尋
鴟夷一舸凌風後冥々雲霄萬里心

三

半畝牛宮野水濱誦經終日忍飢頻
眼中餘子紛蟻蝨天地江湖一散人

七夕感懷四首

為憶佳期自可憐淡波涼影動瑤天
海霞濃駐難題錦湘雨微迴歌脆絃
鵲語幾傳幽恨到蛛

絲長比夜情懸銀津不是無風浪河鼓迢迢又
一年

二

香引仙衣下夕峰
參差笙霍有靈蹤
桐心只覺秋來瘦
蘭露偏知怨處濃
樓上穿針雙翡翠
池邊叩鏡兩芙蓉
玉鈎咏斷分明見
簾影西南細
細重

三

綺寮芳樹晚因依
別館瑤臺每自違
夢後紫雲

愁曉散來時青雀更西飛
扇羅螢暖牀相照殘
字鸞迴覓贈稀一夕人問閒翠被
鄂君舟遠玉
簫徵

四

風細金塘結蕙波
蝶迷瑤簟送秋過
未經搖落
先惆悵已怕清商喚
奈何淚浥渚蓮紅
粉薄愁
侵江竹翠叢多
漢宮爭乞天孫巧
誰得機邊織
錦梭

泊舟山塘

渺々吳淞郭晴波十里浮西屏緣錦岬翠箔映
朱樓紫玉墳邐月吳王石上秋輕舟憐小泊重
省舊來游

晚興

紅酒綠琵琶山塘一道斜寺門人繫馬廊底客
烹茶石老閒僧坐帆遲遠樹遮中秋時節近看
放水蒨花

姑蘇臺歌

黃金為屋白玉梁水晶作柱珊瑚房姑蘇臺高

切雲漢中天百尺遙相望吳王昔日攜西子醉
卧寶牀眠不起來宮中烏夜啼嬌歌艷舞無
時已朝行樂在高臺刻鳳春從四面開盡見
姑蘇城裏事如何不見越兵來

五人墓

鈎黨前朝日紛紛吳閭往事可重尋十常侍劇
貂璫禍五丈夫懸鐵石心竟使衆臺爭白日試
看碑字抵生金設諸未死要離在勁俠終知直
至今

寒山寺

漁火依然隔浦紅
秋光沙觜晚烟濃
孤篷夜半楓橋宿
初聽寒山寺裡鐘

鶯脰湖

蘆中不見顧金粟
藕笠徒尋張志和
鶯脰湖邊秋自好
時時飛鷺狎漁蓑

二

滿湖秋水浸天長
去棹來帆影自雙
沽酒人家賣魚市
西風斜日過平江

渡太湖

曉日渡重湖，秋風滿具區。
浮天真到海，匝地欲吞吳。
買客歌相引，青峰興不孤。
紛紛捲涼雪，萬頃變寒蘆。

太湖口望洞庭諸山

茫茫笠澤有無間，劈浪携度鳥還。
數點沙鷗天外落，不分明是洞庭山。

吳興秋思

天末風烟淨，微波澤國涼。
桂花秋易滿，菱葉晚

全香盡角孤城小
明霞一水長
吳姬勝雪色
兩兩住橫塘

晚泊湖州

層城高閣枕通波
地似方壺水似羅
曉迫烟霄九秋近
夢餘文物六朝過
千帆下若香新醞
一曲前溪有舊歌
柳惲何年仍作郡
汀洲惟是白蘋多

郊外

白帟風前涼嬾
紅蕖烟外思悠
水晶宮闕

吳興路人弄瑶天八月秋

二

茗水清兼雪水清餘不不斷作秋聲羨他白鳥
烏犍路罨畫人家畫裏行

三

烏篷粉漿弄潺湲碧浪湖邊任往還秋色為憐
隨處好道場山翠似何山

四

水浮城郭野浮天十五鴉鬟解刺船霜稻烏程

千畝熟齊搖艇子唱神絃

南屏山人詩集卷十

溧陽任端書念齋

晚泊

不識停橈處柴門三兩家
寒蟲依磧草小犬護籬花
月影垂楓市秋聲報柳衙
衿應勿好在未覺客程賒

舟中聞桂

一泓秋水碧于天
棹入錢塘破曉煙
兩岸花香深不見
西風吹過柁樓前

杭州

勝郡東南自古名無邊風景可憐生水連村郭
常浮地山擁樓臺半入城帆到十洲通海氣雨
來中夜動江聲清秋時節偏蕭爽是處登臨覺
有情

二

閭閻撲地盛繁華不數荆門百萬家公子鞍轡
誇白玉佳人衫袂剪明霞諸侯第宅嚴朝鼓驃
騎軍營儼暮笳燈火歸來冶游伴更扶殘醉理

琵琶

武林懷古

南宋行宮葛嶺邊
淒涼石馬卧新烟
珠簾玉柱無尋處
古木寒藤不記年
望斷江潮天地老
啼殘山鳥夢魂還
冬青花發應添恨
空使詩人拜杜鵑

段橋

楓碕沙岬落寒潮
烟樹人家路不遙
記得詩仙舊行處
塞驢殘雪段家橋

湖心亭

望湖亭下路來問水仙王四面琉璃地千堆灩
澦光屏風環百匝簾箔捲中央一寫虛無意憑
軒足浩倡

聖因寺

玉輦南來駐翠華行宮面、敞烟霞平時詔賜
金仙宅幾處峰回鷺嶺斜雲氣天邊長不散剎
光林杪遠難遮遊人遙指堤前柳多少垂條纔
鳳艤

二

忼率初開淨域成珠宮紺宇上亭々獻來寶積
仙人蓋賜出金書貝葉經一水倒啣樓影白兩
峰高倚寺門青多因御幄曾留處能使湖山更
有靈

孤山

湖上一山孤錢塘處士居家無封禪賦人寶薦
賢書雪倚波間棹花開月下鋤來吟暗香句想
像更清疎

放鶴亭

微吟小坐復徘徊
四面湖光匝砌苔
幽意無人共相賞
西峰一霍破雲來

四賢寺

鄴侯神仙姿
玉骨長珊珊
出守武林郡
功名豈不完
至今飲六井
心魄餘甘寒

二

夙主海山院
早稱香山翁
文酒羨房韋
符竹竟來同
刺史有餘愛
沒世懷清風

三

清吟響湖山高情狎魚鳥府公重臨日歌舞欣
父老金薤垂琳瑯州民永為寶

四

處士不玩世意乃遺纓組仕隱雖異調芬香合
蘭杜周旋共堪託盱饗長終古

岳武穆墳

未許功成渙壯回將星中夜隕煙蘿九州氣盡
黃龍飲三字冤從碧瓦埋終古風雲嘶石馬於

今父老歎金牌偏安自此傷南渡秋雨荒宮沒
蘚芳

偕章習之陸高千秦畊曾步行至靈隱
山

曲徑湖頭路寒山翠幾重輕鞋踏松葉涼語聞
沙虫牧弄穿雲笛僧催隔澗鐘柴門數家出隱
隱見前峰

冷泉亭

寺外孤亭起無時鎖翠微泉心兼石冷峰勢與

雲飛慣許披衣到誰從濯足歸讀殘居士記竹
霑濕霏々

靈隱寺

山色啼猿裏幽禪萬古棲雙林如鹿苑香水即
曹溪鐘磬穿雲冷烟岑入寺迷遠公頭似雪曾
未過橋西

登吳山

層阿迢迢鎖群峰直上峰頭路幾重城郭烟波
眩丹翠欄臺鐘鼓雜杉松平潮白擁寒沙濶隔

岸青分越岫濃共說神仙隱餘蛇欲從岩畔訪
幽踪

伍相國祠堂

祠廟枕山隅蒼涼弔伍胥志存終覆楚身去恨
亡吳風曉靈旗捲雲陰鐵馬趨濤聲沸天地終
古壯援柅

龍井

白沙泉照古時春龍井空山住應真誰與秦郎
引游屐暖雲岩畔種茶人

雷峰塔

劫火燒不盡依然窳堵波帶霜紅夕照懸翠結
寒蘿無影青峰出迴看曉色多幢、不飛去長
此伴仙陀

于忠肅墓

身作長城日名成蓋代勲讒言一流涕東市竟
紛紛祠墓連秋色衣冠冷夕雲青山千古恨常
對岳家墳

路來卜簡招泛湖

陳留路粹早相親相約湖山有主人黃葉更穿
尋寺屐翠微仍對倚雲身秋將陂色連天淡晴
借霜林入畫新歸指錢塘門外晚吳姬如雪酒
如銀

蘇小小

錢塘蘇小小家住錢塘東花鈿萬種色石黛三
分濃羅裙作蝴蝶黃土香春風同心不堪結惆
悵西陵松

二

郎騎青驄馬，妾乘油壁車。相將江上路，隨意晚
還家。日暮風吹雨，孤墳草映花。錢塘舊時女，傳
得胡琵琶。

錢武肅廟

山川鳳舞更龍飛，天遣英雄割據歸。十四州寒
霜一劍滿，堂花醉月重圍。濤衝絕岸驚強弩，樹
變秋山似錦衣。星斗文章表忠在，長將靈響動
朱扉。

偕同人坐聖因寺花下

香動一山秋亭、紫桂幽樹多鱗歆起花發露
偏稠地揔鋪金粟人來醉玉甌渾忘岩石冷竟
夕擬淹留

芳洲二兄招飲吳山道院

洞壑開人境烟霏出市闌風霜侵九日樓閣上
吳山素景晴堪駐丹梯近解攀舊題嵯石老時
沒蘚花斑

二

勝絕登臨地東南更有無分明在城郭蕭爽極

江湖帆影尊前落潮聲檻外孤詩成對康樂懷
古共躊躇

西湖竹枝詞

淡々秋連渺々光空明無際勝江鄉刺船便過
湖心去可似清瀟照碧湘

二

百頃平漪八月秋煙波深處信舸流銀盞四面
堆青粉畫手今朝始欲愁

三

搖、淨綠簾新鋪不隔琉璃一片虛細向船牕
見萍藻倒從沙底數游魚

四

清絕湖邊處、村寺門盪槳入花源水光山色
渾如醉正使游人欲斷魂

五

荷芰香中泛酒船屏風西裏按么絃年、管領
湖山在俱羨東坡與樂天

六

白蘋紅蓼繞菰蒲緩慢乘流趁浴鳬到處不愁
風浪濶六橋如帶鎖平湖

七

聞道蘇堤二月春天桃艷火燒平津誰堪走馬
來相映湏是花驄控玉人

八

好是荷花十里紅我來猶及採芙蓉便期曉岸
衝烟去那惜衣裳露氣濃

九

西湖秋水更澄沙
塘上吳娘臉似霞
相約湖心亭上去
三、兩、晚還家

十

飛殘白鷺水生陰
湧徧斜陽萬頃金
却戀烟波弄明月
平潭隱、出波心

毘陵留別秦二耕魯

暫還鄉里對交親
仍作青門走馬身
吳苑正逢南雁下
燕天仍入曉寒新
酒波紅燭聊同醉
帆影滄江不戀人
知是心情竄相憶
天邊書札莫

鮮頻

程大山招同易融齋江榮讓飲庭中兼
呈黃崑華比部

管絃難遣便忽々未許花前走玉驄
鷄舌含香漢名輩牛心行炙晉諸公
舞裙全共楊枝軟醉臉頻爭蠟炬紅
爛熳詩篇憑好事早傳佳會過江東

二

客心貪咏到滄州仍繫江邊青翰舟
連壁久誇

南唐書
璫樹美五君新共竹林游西風作意催征騎銀
漢多情送好秋盡敞華軒愜談笑不辭深蓋更
深浮

重過喬蔭山房

別業今能到居然似昔遊曲闌徐引屐遠岫待
登樓轉愛秋花發分題石笋幽武陵原不隔時
欲泛漁舟

二

未覺莓苔老疑添桂樹陰清深全到眼偃蹇得

遐心藥徑偏能熟
松風解細吟
正愁騎馬去回
首別雲林

飲李乾一園亭賦贈

綺食雕盤邅上亭
張箏鳴管廣陵城
迎秋無賴黃花過
喚客多情綠酒橫
晴日園林開秀野
霜天鑪橘破金瓊
殷勤好事相留醉
為贈人間李少卿

咏古四首

水蘭庭畔柳條新
望斷江都西裏春
閒凭蕭娘

花下語重來休更說平陳

二

茸_二煙草上鷄臺殿脚成灰事可哀不信龍舟
解亡國江南才是一番來

三

鳳帽歌殘夜未央美人來夢鬱金牀紅暉好景
偏相戀隔水明霞散夕陽

四

邗溝流水咽晴波艷思千年照綺羅堤上垂楊

三百樹銷魂惟是暮鴉多

題易以立一觴一咏圖

雨霽空山萬壑青
畫圖隱隱認蘭亭
幽人浴罷然香坐
拂石閑書相鶴經

二

恠石虬松一徑斜
醉餘吟興入秋花
長天雲氣渾無礙
時聽風聲和煮茶

北風

北風號枯桑鳴聲何凜烈
波浪相喧豕蕭蕭壯

寒節吹面利如刀。征馬嘶欲折。驚沙颯。飛客
子愁曉發。已怕勁裂。羈子裘。莫應飄墮。雲間月
望岱

岳色千里來。秀照東海碧。湧出自何代。天地隘
胸臆。莫測雲雨藏。但駭元氣積。直上會有時。坐
撫朱鳥翼

哀詞

花正新開。月正圓。月魂花態兩嬋娟。蟾蜍若使
終成妬。鸚鵡空教喚。可憐千里琵琶江上水。三

更蝴蝶夢中烟拍環倘記前生約淚寄重泉一
慙然

二

靈藥無因為返生忍看瓊蕊落寒冰羽裙忽踏
三山路鶻血昏啼古驛燈一夕綺羅傷永別同
心松柏恨西陵黛痕留認吳山曲愁對他年曉
翠凝

哭秦賡梧

玉樹臨風正少年一枝驚折謝庭前琴亡併作

傷心地春去空傳造榜天轉塵為憐王仲祖遺
詞猶唱柳屯田却家兄弟生平愛自此遙々別
九泉

二

綺陌青門十載同醉圍銀燭酒鱗紅殘春惜別
江南路噩夢傷神塞北風小疾更成千載恨招
魂長在九秋中淚河欲向東溟注回首歡遊舊
侶空

題仇十洲桃源圖

前朝畫手文與唐仇生同時高頴頴才清意遠
筆力到得意往々追曹張百年繪事擅神妙傳
者價貴瓊琳瑯琊桃源之圖出吳練意匠恍忽殫
微茫山重水複不知遠紺崖黛壁參差長平疇
新樹相宛轉暖墟晴陌開中央雞如歌鳴犬欲
吠耕者抱犢行者翔紅霞遠近自蒸發桃花村
路迎朝陽花枝過雨動鮮媚烟暉草木疑含香
洞門停船識漁者父老笑問相携將形容俯仰
極變態須睂一一開清光丹青能事有餘力歲

久觀者神猶揚武陵溪深在何許至今仙客中
間藏白雲重々杳無跡洞戶已閉室遙望開圀
靈勝恍然接落英溪岼人鳴榔武陵指點不知
處但聞流水連三湘古來詩篇爭好事韓劉著
句餘鏗鏘波濤安得驅筆底與汝作記驕舒郎
擬春帖子詞

皇太后閣

曉色臨長樂光風轉上元共瞻文母德長啓
聖神孫

二

四海承歡日高居脩養時春暉同景福相引正
遲々

三

元日啟皇扉祥輝繞絳蜺徽音豫慈令山祝頌
思齊

四

慶兆流虹壁月輝光開扇雉紫雲垂袞龍上壽
元辰節親帥千官拜玉墀

五

月華流彩照霓裳燈火元宵吐鳳皇三殿暖融
千樹蠟六宮齊獻萬年觴

六

玉蛾金繭簇歲筵進入慈寧傍曙暉恩澤新年
饒雨露小侯簾外賜春衣

皇帝閣

帝錫周京福春隨太昊旋雄鳩先候歲大有兆
康年

二

日御迴青陸天樞正北辰
本知仁愛德能作九州春

三

迎氣青旂早偃童赤幘過徧傳
寬大詔無地不陽和

四

勾芒送臘動春聲萬戶歡闐滿
鳳城早敞金門宣入賀先占玉
籍事親明

五

甲帳龍綈萬軸餘
瑤籤披拂好風初
日長聽政時多暇
宣喚詞臣侍讀書

六

草薰風暖入龍樓
萬里晴光上翠旂
錦繡乾坤新日月
太平天子富春秋

皇后閣

天上春原早
宮中暖又迴
壺冰融玉漏
不待協風催

二

母儀兼孝德坤位嗣嘉徽
種桂親虔潔元正薦
翟禕

三

明德扶風盛長秋綺歲新
練衣恭儉意躬化內
夫人

四

瑤殿深々護蕊雲珠簾宛々漾晴紋
梅花柳絮
迎芳歲金鼎龍檀結寶紋

五

陽和未處滿銅鋪漸及鴈鳩拂羽初
標木枝榮宜福履葛覃詩美繼關雎

六

鸞扇交風引鳳旂金根移輦嬈好
隨瑤筐燕子旋堪羃弓韉高襟欲到時

南屏山人賦集

溧陽

御試律呂相生賦

伊律呂之含徵當軒皇而肇始導元化於自然
本陰陽之妙理桐花麗日坐扈閭以春融寶鼎
歌雲值南郊而畫義歸昌應節弁州之鳴鳥初
來榮援製音大夏之孤篳斯起象雄鳴於六管
乃天地而同和合神耦之雙成盡幽元而可紀
夫其為道也黃鍾聿始仲呂以終數轉轂而無

已用環流而莫窮乘夫震乃宣長養之奏當夫
兌而應闔闔之風順子亥之迭運包乾坤之歲
功郊則帝出之初以協明堂之次未則地功之
分以臨天社之中蓋相生子至順亦均配子咸
通若夫律以陽名呂由陰判陽有求陰之義故
娶妻之道著焉陰以隨陽為歸故生子之文可
案黃鍾則乾之初九娶六月之呂而二老得其
情林鍾則坤之初六生孟陬之律而長子通其
箕自太族以推行厯無射而周貫中呂復返乎

其初卦爻相循而遞換必有序也故往來隔八而成交亦有殊焉故損益函三而可按爾其元聲以正大樂克調宣德化于太乙法中和之建杓鼓宮鼓商應君臣於喜起以詠以間諧節奏於簫韶吹之而寒暑可平常震響於洞庭之埜聽之而民人肯壽宜奏義於鍾山之朝惟神造之宏啓為靈德之聿昭是以至精者既論于京房至聰者且守乎師曠範圍不過存乎聲氣之原規矩既陳居于龠黍之上八十四調待之而

後成三百六律衍之而無當三寸九寸之說非
達人何以喻其微一分二分之數非賢者無以
究其量惟

聖人之御宇積和氣于埏垓吹昭華以驗管用
殷薦而乘雷觀五色以成文弱水之飛龍共下
考八風于從律啣珠之元鶴皆來一德康歌盡
協后夔之樂八能前殿無非大雅之才固將陋
葛天之扣角超炎帝之扶徠而與雲門韶夏同
其廣大者哉

玉芝賦

神漢元封中齋甘泉宮恭默思道萬方攸同仁
化沛々精與帝通俄焉芳飈扇于連金光流于
楹炫爛煥郁蔚勃離陸芝房生焉突兀歆歆九
茎連陞三秀羅沃洵乎嘉徵乃召方朔對唯
唯稽首致辭願霽威色臣請賦之惟夫神草為
瑞子苞天地之淳精含五行之鴻秀兮稟龍澗
之璇英既一敷而百穗亦殊品而異名故有樊
桐威喜列其號銀麟玉象標其稱閭野大霍別

其產文山林屋岐其形攷厥瑞于符牒應聖人
而始生則惟玉芝為寶考尤殊寂乎衆靈豺土
木肉石而君之又何羨乎雲輶與月精今天所
以錫皇漢者殆其是歟夫所生也在乎輝瑤積
瑩之峰阿閣神房之下璫膏布液而滋榮琅流
舒華而吐化惟龍虬之朝耕與列仙兮春稼方
千年而一萌經萬葉而恒壯九霞霞之而續紛
珠露潤之而軒上是以輪囷蟠縵千態百狀森
森乎列星之陳也蒼蒼乎臺宮之振也綏綏乎

綺繡而縈其文也亭亭乎琅球而燦其珎也或
赤如凝砂或黝如注漆或白如截肪或黃如蒸
栗或縹如秋蓮或紫如雕雘或如龍螭翔或如
鳳皇集或如飛蓋起或如駢車輯或昌昂而升
或欹亞而蟄或握拳重揚或並跗連立或蒙浮
石巔或冒玕林隙或如燭夜明或浴日初出或
七孔洞炯或八彩駢歛或懸之則如威斗或叩
之則如鐘瑟乃高靈所秘瑤非睿聖而不給今
茲燦乎宮庭誠元貺所昭質且臣聞王者德被

草木則芝生慈仁養老則芝茂惟至道子在宥
感神英于挺族固將開黃軒之房為鴻隄之受
然且貢珍川岳獻祉辰宿泰瑤臺之龍來郊柳
之獸一日十瑞以茲稱首臣珣載拜敢賀稱壽
帝曰善于是繙神農之秘經檢太乙之玉策驗
乎援神之契覈諸中黃之格僉曰寔然非意所
測群伯列頌達乎四譯降洪庥惟上德傳樂府
永無極

承露盤賦

建章之殿集靈之臺竹宮橫起上苑斜迴煙五
色而恒滿樹三花而自開羅薦前陳望青禽子
始下錦窓遙對待斑虬兮未來見夫仙掌高擎
指玉繩而迢遞金莖直上切銀漢而崔巍乃有
承露之盤非瑤非壁圓規乍吐萼華蓋子舒輪
圓影無虧似池荷兮浮碧法簾前之素魄刻舞
鳳而雙安象海上之清輝護蟠螭而共宅遂晝
夜以凝精遍春秋而受澤爾其主乎天乳降自
軒轅精含覆慮之和待劉熙以託詠質表榮生

之粹訪冀喜而曾論艷菡萏之芳房姑射則曉
餐而乏術對木蘭之高館靈均欲清飲而無言
於是取此銅盤承茲湛露浥浥皎鮮冷冷玉吐
顆聚頻圓行分堪數綫則一串如縈琲則千釵
可貯宵涼秋細暗的皦而方疎月白河斜羌無
聲而自澍霏微併集還隨長樂之鐘璀璨全敷
更倚恒春之壺至若披明光於始映託曙景於
遙烘燄熊熊子交射影紛紛子正融欲寫珠胎
迸流輝以倒耀難分火齊抱彩暈以舒室既靄

霽子成紫復晶晶子微紅愛皎皎子如素粲英
英兮兩同彼若醴同膏如飴並昔或雪細呂璣
聯或華濃而色綺趙郡賢人之宅睹一樹以垂
垂零陵太守之郊望連朝以泥泥應善政於當
時表孝思於無已曷若此之依鑾殿照金門樹
丹墀植御軒當清嘉之良夜邀顧盱于至尊瞻
勝題而以彩列堦祀以承恩灩灩則降自中天
靈雨相將以共溥藹藹而注茲尺五醴泉堪喻
於無源斯蓋渥澤沾濡恩施布濩甘凝天酒絳

紗則囊許前收潤滿琰膏瑪瑙則瓷堪時注布
為文而沈為武事豈殊觀上太清而下太寧德
知咸溥誠非方朔所能陳相如所能賦又何論
乎紅冰結岫飡甜雪於嶠山淑氣流金飲神泉
於懸圃也哉

上林春燕賦

春色麗子烟景重春晝長兮化日融觀瑤林之
散彩見玉羽之衝風老池上下頡頏西東三月
初來覺良時之未晚一枝堪借信託影之皆同

爾其社送松楸日占戊己返賓鴻於碣石拂鴈
鳩於桑汭來兮少皞之司遂協高謀之祀入雕
屏而斜睂嘉賓則對對襟紅望畫棟而爭歸天
女則雙雙衣紫于時上林地暖宣曲風香鐘鳴
長樂花滿建章一片呢喃伴宮鶯之睨睨分飛
遠近隨鳩鵲子翱翔試傷晶簾暑將迴而乍入
還穿珠樹仍不定而爭忙暑乃流態翩翩輕身
便鴛交暎瓊枝新翻琪樹近娥女之層臺託崑
山之懸圃倘一蹇而自舞疑釵影之遙來驟接

羽而低還訝領綦之微度弄裙腰子點點鵲剪
尾子傴僂藹藹泥香嗟宜年之芳草漪漪綠縹
點太液之晴波路迴天長向柵宮而卷小陰輕
日午啣杏苑而花多不假仙人珍青禽於漢殿
誰當綺夕笑烏鵲於填河則有謐謐傳乎北音
鷓鴣稱乎蒙叟文成許慎之形賦重王威之手
非舞石于零陵或增城于曲旱栖文杏而朝朝
記青箱而久久豈如連翩逐侶燕婉相交舜江
鄉之下國營天上之新巢畫閣璇題有淮南之

足賀虹梁藻井無季札之前朝將群雖于殿角
颺輕影於旌旆是其湛被恩光依留禁鑰曾非
白鶴堪致咏於靈臺隨彼鳳皇亦來巢於阿閣
惟一人之澤無不宣滋故萬物之情于斯咸若
呈夫上瑞長祥願發於玉筐吐此丹書集戶方
同于赤雀

幽蘭賦

王右丞吏隱優游端居多暇精宇藍田素茨元
灞菊紛幽祀葯羅芳榭敷芍藥以成臺雜茱萸

以繞舍招秀質于甌閩引奇姿於江介
龍旖旎乎都房動歲蕤乎纁夏顧而歎曰
此非三閭大夫之所託歟觀其幽芬靜定
綽態滂只嘉名藹若比德間爾可以忘憂
可以樂飢可以養性可以娛時掩石渠而
搖采吐金幹而縈絲何必種翔鷁之八樹
折羅浮之一枝溫芳漢殿之含馥郁荆媛
之手緝君子之綈紉刻仙人之璫玖絳
獨粲乎中庭羌安滋乎百畝爾其的的丰
猗猗茂容續緒隱谷倭倭遙踪鮮離幽靄
轉汜光

風素采朝蔚琅苞夜重披芳砂於錦岬潤明溜
於瑤淙一榦兩榦之花三分四分之素懸縹蒂
于岑欽綴緗簪於磴疊養雲氣於林深靜風言
於迳絕異梔子而同心非菖蒲而九節玉榮交
葢石蚤聯芝紛敷湘陂便娟澧湄伊嬋媛之秀
惠羌俯仰於靈鮮送美人子延佇報公子子相
思飡朝英而未落浴甘瀾而不萎迷康成於曉
綬褰平泉之晚幃新年二月鳥敲百轉崖暎冬
冰飈清惠扇彤芽秋乳綠翹春箭燕尾紅菁魚

鮫玉洗砂蘤，心膏啼露眼。未損貞蓀先，盈甌
曉媚窈窕于山阿。託離騷於澤畔，夫紫莖文波
江南採荷松舟桂楫，夫容木末杜若汀洲。悠悠
暮愁申枻，薜荔逍遙。卒歲豈若薦佳植，揚清音
貽短佩。託修吟送君堂下之瑞徵，君庭內之馨
入燕姑之祥夢。結楚客之幽紉，而得奏雅搢於
白雪懸芳聲于斷金。

芳草賦

綺陌春迴青門候，暖發芊幄於華年。動昭蘇于

玉琯土入夜而潛膏艸迎時而自滿重新偃
鋪曉岬子初齊簇簇全敷散平郊子云緩爾其
芳芽半捲細甲才抽忽菲菲兮共遠乍盈盈兮
更柔拂人柳而緗影爭深繞歲鴉之粉堞帶龍
池而翠痕交鎖徧浴鷺之晴洲冉冉鋪茵望神
臯而地迴層層散錦接畫甸而峯稠於時薄露
曉含和暉晝絢風脉脉子相薰景遲遲兮若戀
引鳳子而俱來歲雉媒而不見迢遞而碧縈堤
杳驕金勒之鳴騶蔥蘢而紺聚烟多掠瑤筐之

舞燕映魚鱗而斜展暖雲則低惹千重迷卯色
而橫浮暮雨則遙連一片茗乃叢多似織葉細
無行不辨苔多入王微之連院曾隨夢遠臨謝
客之池塘已妬庾郎照青袍而欲染堪依江令
裁銀綬而舒香問蔣詡之幽居則門開三徑綴
邱遲之麗筆則花落半桁至如河畔絲絲關前
嫋嫋鈿朵欺鮮羅裙共縹王孫遊而未歸美人
思而自悄吟綠波於南浦帆短亭長送子灞于
玉珂城孤騎小莫不坐閑館而跼蹐倚高樓而

續繞是以託霸均於楚賦覽樂府之新篇採杜
若子湘沚寧江離子澧川既為佩子宜叢亦稱
奇子自妍碧吐紅滋羌留連於芷葯懷貞吐潔
復婉變於蘅荃然而雅列千名詩稱多識其始
也品於炎皇其後也官乎雉氏或則應候而生
或有從方之義或三脊而茅朱或千年而雲翠
或茂樂遊之苑或茁瑤琨之地垂為書帶曾依
通德之帷開似屏風又悲茂先之志並映蔚以
呈姿皆萌榮而托植要未若鍾乎土惠穀自星

精實為瑞應通彼神明入堯廚而蓬秀倚唐堦
而冀生白帝則徵夫紫脫鴻堤則記夫華萃與
屈軼而指佞表軒宮之化成

臨風舒錦賦

若夫五色離離蜀江波上七襄軋軋織女河中
纂組縱橫睹非烟之麗製華文璀璨擬雕商之
神工實焜燁而紛披義含無度復循環乎經緯
藻思何窮已湛溢於巧矚更續緒而倚風時則
夏始春餘葉濃葩爛蠶絲罷浴鳳梭停腕來越

女之間閨繞秦川之機畔海鬪色而綃傾石輪
文而暈斷蛟龍乍伏見鮮彩之縈迴菡萏遙開
對芳枝之宛曼靜戶幽遶烟融日晶春人曉聚
艷錦初成共持攜而自賞競相觀以欲驚一桁
飛花併紅輪而忽動半階芳草妬翠綬而纔橫
拂盧女之新粧轉瑤鬟以更照擢文君之素手
映綺袖而俱明况復淋漓全敷纖颼暫接暖泛
禁蘭和吹舞蝶徐來陣陣響玉佩子丁東慢卷
依依引珠簾子蹀躞度綉軸以翩翩漾高竿以

裁葉紛凌散而重重並翱翔於葉葉錦則如花
如火風則為女為姨錦臨風而倍倩風入錦而
偏低艷朵招搖芍藥之妍華欲笑芳房軋軋茱
萸之醉纈纔迷忽如霞倚層城鳳恒飛而不去
更似海迴仙市虹爭上而初齊金鈿屏開復奚
言於孔翠丹青扇合更何羨乎文鷄樹榭蒲萄
詎待越王之貢箱箱冰繭足驕泉客之携既而
帆影收紅林芳馥碧捲十幅之婀娜顰九光之
傑奕韜盤雕之秀彩藏彼瑤笥拾舞鳳之神機

珍同拱璧伊蓀麗子若斯寧素紉而共澤知禱
禴之有餘願受裁于瓊尺

麥秋賦

仲律吹晨司南御丙鳴蟬欲動清和麗而舒陰
啼鵲初聞纁夏長而散景惟宿麥子當秋咏來
麴子翹穎方呈瑞於兩歧乃占豐于萬井爾其
柞燧將移霜華始凜尋汜勝之良書事賈思之
要術種焉非水四時雨露之俱含性亦從金百
穀禾麻之首出滿陵陂子暫望日有取於乘丁

散郊陌子初看地無煩于畊乙既則依肘冉冉
匝隴纖纖送楊柳于春餘青纔霞雉催鳴鳩於
夏始黃漸迷檐紫棋而處處爭抽捲蛾飛之宿
雨金穗而行行全吐當蠶熟之新縑睹旆旆子
連雲先徵雪聚樂朦朦之蔽野祇覺風恬於時
五月肥梅干山上竹語海燕而霄晴乳河魚而
岼矗下白鳥兮平田轉黃鸝子深木秧針刺水
候已暖而猶涼蒲劍當門氣仍清而侶沐呼腰
鎌子共往見比户兮相於王偉元之舊種姜伯

約之新禽列秉縱橫雜荆扉之繭簇扶篝熠燿
映烟墅之縑車盡田舍而論收安知計斛徵大
年之有地先已堪書夫其二七為行耜香各得
當日坐而效良若秋成之布德何須白露零湛
露以垂芒不待金風醉薰風而結實驗素商於
清徵早慶豐穰移西陸於南訛先呈稼穡則有
噎鳩芳種捻練閒情吐銀泥于梁甫壓玉粒於
江城吳均說餅之餘猶聞麥飯東哲裁篇之暇
足對藜羹樂府東京共青黃而入咏先生元晏

辨杏柰而成名况乎宜記職方禮行廟薦登觀
麥之崇臺御勤農之高殿既脩獻於孝思遂嘗
嘉而授饌五絃初御撫景風之及時萬寶其登
樂九州于咸晏

秧馬賦

考畦功于畸牒修耒耜之幽經既書多而券績
復范狀而刊名精不稟乎天房祥亦分乎辰馬
腹利達而方舟背規安以覆瓦乘時以駕應無
撫髀之嘆戴笠而逢何必為君之下觀其制也

驤首昂尾輪輔轂倚膠漆則桐榆為一家表裡
則楸棘為兄弟不胥而走無煩風入之輕不秣
而馳乃有星言之稅若夫邠雨含川桑田曉煙
猗猗青女汜汜緇鉞騰交風而旖旎眇泫露而
便娟鳴蟬飛燕之秧十雙五隻之種將駕子而
趨功亦呼儂以罄控忽騁捷以千畦俄迴鑣以
百隴纖颿振藁暑奮儼而將嘶沒澮流跼侶驚
噴而欲縱相駛騃於子木蓋有取乎天機固不
勞于飾玉未解惜乎障泥助予勤于偃僂逸汝

力於銜轡蓋功分水龍之鉅而法傳斷輪之遺
害大匠之為寶巧不極而洪施若任智子多蹶
又何羨乎漢陰之非

秋月賦

素景澄烱夜明初上凌珠海子晶瑩映銀雲兮
搖漾金波穆穆對明鏡於飛空寶魄輝輝貯瑛
盤於相望度碧落而寒霄乍迴流光則萬里徘徊
拂絳河而露氣俱清寫影則重輪淡蕩方夫
纖纖始見玦玦新浮雕仙客之瑤珮咏參軍之

玉鉤樓鹵南而腕晚夜縹緲而幽修玉李迢迢
帶三星而超忽蛾眉粲粲掠片景以夷猶及其
灑灑團團縱橫三五桂樹滿而全舒菱花周而
竟吐蟾蜍欲暈覺練色之何多顧免爭妍疑秋
毫之可數赤城有曲若恍奏於千年瓊斧無穀
脩不勞於萬戶爾乃婉孌延緣文縈綺連含風
烟而容與媚花竹而嬋娟既載賦於如珪射琉
璃吕倍潔信有情於比扇鏤紉素以逾圓試取
方諸泛明泉而欲動才歌樂府開塵匣而相鮮

於是夜靜華多輝長影直麗丹鳳之層城照銅
龍之廣陌光曙璫樓玉宇豁牕扉而朱雀將翔
涼衝碧瓦金荃燦鱗甲而石鯨動色挂銀鉦以
不落雲中之員闌雙高拂琪樹以遙看天上之
仙榆併白則有曝衣廣殿穿線深宮步文輝而
漏靜鎖金鑰而光通鑒翠帳子凝鐫掠羊燈子
隱紅池號七娥玉塢則澄瀾一片臺名延露蜺
裳則舞袖千重采鷁而玳瑁全穿更呈窈窕簾
箔而水晶不捲却望玲瓏亦有紫塞闌長青天

路遠武昌庾亮之樓江左謝莊之館皎潔而氣
侵冰柱南枝之烏雀翻樓孤懸而影抱雕弓細
柳之旌旗半捲蓬池曉直披清暈之依依畫省
宵看對華姿之婉婉臨笛步子情多送仙舟子
棹緩莫不流景舒容琚珎移璧簪著乃應江潮而
恒滿視階蓂而頻移纖阿馭于金轡結璘翩其
桂旗鏡繞蟠螭不待夫人之擊瑄隨鳴鳳曾聞
博士之吹青赤俱明見升和以有象川雲紀策
著開氣而垂緋占三珥於環冠寔送萬方之喜

攷連疆于合璧乃符七政之奇此則明靈之上
瑞蓋昭昭子若斯

石鼓賦

爰有石鼓來自岐陽當大蒐而肇刻紀鴻銘而
聿彰自甲癸而遞陳數盈於十方東西之並列
器異於常儷吉日之周詩比車攻而侔雅考述
書於寶賦指獵碣而名唐爾其非跼非雷非贅
非晉異咄須之受封殊夔牛之列陣畫未朱鷺
音統統而寧聞應彼金鉦聲淵淵而詎振對衡

陽之迴雁禡師則事倘同符取巴峽之桐魚博
物則言誰可詢想夫西京復古萬國來同既昭
文德因修武功合七萃之罷貅三驅畫廉奮六
師之螭帟百尺懸熊色變風雲動桂旗子日薄
氣騰山岳耀組練芳花紅爾其樹羽成行艾蘭
伊始睹兩和之並馳麾雙甄而交指五靶一發
觀薈蔚于葭蓬三品先占竟縱橫於金矢貫之
楊柳其魚則遂咏鱣魴戢彼雕弓頌獸則方歌
鹿豕於是司馬張旃而賞獲太史紀年而載書

伐礧磷之良材乃施追琢勤輝煌之盛績初等
璫璵科斗森然乍形容之欲動蛟鼉鬱律疑尾
角之爭舒詞則玉戛金敲豈奚斯而能頌筆乃
龍翔鳳翥知史檣之初攄若夫倒薤拳窠衆星
錯落或稱缺月之娟娟或羨嘉禾之濯濯珊瑚
碧樹既有象於枝柯靈篆芝英信齊踪於卓犖
奇字而子雲未識但驚潛蟄之云云關文則安
世莫詳誰辨顯陵於數數是其規繩軒轅轂轂
冰斯追崆峒於堯碣攀岫嶺于禹碑始礪角而

誰收飽烟霜于在野即填金其何補偕鐘鼎以
稱奇千載有情空動昌黎之歎一篇擅絕空傳
玉局之詩今則物遇良時地榮祀庶值此右文
懿哉好古磨崖頌德掩癸巳於檀山孰豆升堂
虔上丁于相圃盛茲寶典夫方比文物於姬周
輝此琳瑯固將儼光華于琮琥也哉

春草碧色賦

江郎賦別千古傷心雖太白嗣音尚未
堪彷彿也長春多暇何克思同門以所

製春水綠波賦見示歎其情文婉摯古
調獨彈南浦淒然東風如夢此則空山
落葉遜彼愴懷彩筆生花同茲瓌麗者
矣輒為效顰更賦春草

客有緣端晤物感良時而寄思者既騁矚於憑
高復送抱於望遠地無垠而莫極水遙馳且未
及雲謁謁乎吳曉山依依子晝晚日晶晶子妍
霄春舒舒兮麗館群姿被條衆卉羅席丰昌窈
窕穠華光澤接覽彌視娛霸悅魄易賞疑訴薦

歡成惜是以譚志寫衷脉懷助臆矣雖然其于
旁皇之眇猶未窮精溯之表不能陟也若夫感
我如揭貽我如委如導如迎非遠非邇倚倚非
菲藿藿靡靡目焉乍經心乎未已無端自盈忽
然以起因于所觸不知其旨於時修阪既遠平
原自直繇繇千里萋萋一碧覽索新繡全鋪迴
色連天未斷橫江不隔披風更薰和烟轉積南
浦波牽芳洲影燿玉珂緩送青袍淺織歲歲畱
人年年似昔城隅迢遞樓上裊裊簾旌暫上睥

睨斜迴縱橫無數歷亂誰催方可擘而可結亦
相藉以相媒藹芊芊其若此思宛宛子難裁至
如隴水曉分燕關寒閉楚波侶翦秦川如齊人
從榆塞客辭吳會絕域春同越鄉心異長袖罷
挽短書遲寄霞夕送照江暉帶宣亭孤堠轉霽
入峰紅笛驕一片花飛幾重拂翠浮合迷痕綺
封關山三月河橋暝風居然怡悵未許從容已
幽紉之密貫感悄悄以從中當此時也愛而不
見孰不奪神搖志溯天涯而慨然者乎

紅藥賦

何奇芳之燦爛嘉芍藥之丰容向文階子吐秀
依綺彤子敷穠振瓌逸之華姿繽紛相向動歲
絃之艷態薄靡成重憐香草以多情遂來飛蝶
珍風人而見咏詎比游龍爾其美影便娟含思
亶斐鬣矯旌於清芬耀玲瓏於藹韡檀心倒暈
和曉露而俱明玉靨承酥映初陽而彌暉擬彼
美之如英信殊妍於衆卉于是蘭臺畫靜西省
春餘天上仙桃錦爭飛而已落苑中人柳絲漸

散而方疎清對冰廳芸署則風來細細聲稀銀
箭花艷則日下徐徐地近蓬萊唐翰林之侍直
窓深雲母漢天祿之校書覩婉孌於芳華呈丰
昌之麗色捧翠葉而因依擢鮮苞而自得暑招
搖子垂手疑舞態之翩躚恍遲步子中遮出天
然於雕飾紛綽約子莫自持爛軒墀子照煊赫
伊輝媚而何已美昭玩而彌長灼灼爭開映蒼
苔於當砌瑳瑳並咲伴紅窠于依堂驕丹杏之
妍枝還隣杏苑似紫薇之滿院更對薇郎一片

菲菲袍奪漢宮之彩三朝馥馥爐薰荀令之香
既靚羨子堪紉復璫琚子可佩何藥錄之徒奢
寔騷辭之空載羨藍尾之佳名憶玉盤之繅綵
當被濯之良辰非將離而寄愛則有河陽司馬
之坂洛中丞相之園異百品而稱貴珍千名而
竟論擅風華於姬魏窮綺繡于亭軒圖畫新開
寫徐熙之妙繪管絃初譜近公子之清樽豈比
夫延閣披芳瀛洲託植銅池風暖暈芝乳而俱
酣甲館烟多帶桐華而吐色圍成金帶揚州則

先送嘉祥蓋簇瑤樓內殿而如迎姪妣吏名香
案遂留賞以徘徊仙號玉堂方懷吟呂未極

綠苔賦

窈窕兮閑庭綠苔子滋生含翠子瑟瑟糝碧子
英英下一片兮如結鋪幽堦兮欲平異芳草之
霏微映春袍而共妬羃朝煙之杳藹上畫壁以
多情爾其繞徑痕微依沙黛淺粘碎石而錢圓
貼新篁而淚點波凝澁浪封瑤甃兮層層影綴
文牕繡銅螭子冉冉靜當軒而色潤宛若遙浮

勻滿地而陰長輕于似翦伊惟艾納曾聞咎邪
散土花之斑駁弄石髮之繁髣溼共魚衣拂井
牀而縣密閑宜鸛步啄露砌之修遐披雷薛子
蒼深時時暈鎖對墻落而紫淺處處紋斜縱橫
交敷侵淫未斂媚孤檻於倚迴綴飛英之冷艷
歲歲則經秋愈綠照書幌以偏濃重重則過雨
爭鮮蘸衣裳而可染已巧入乎疎簾更相延乎
翠簾別有碧莖游波遙稱楚澤夜明為瑞近出
昆池徧扶荔之深宮徐迎玉輦託昭陽之別館

悄度文綦紅藥初晴謝中書之靈咏美人惜別
王常侍之新詩細細如塵向石闌而點筆纖纖
若織動玉佩而縈絲至若沈約郊居王微隱舍
暗環高榭妍夕照于餘姿軟布芳茵承落花於
將下吟侍郎之碧罽未足稱奇同大令之青氍
依然可藉比乎護艸堪留玩以忘憂伴我騷人
復逍遙以多暇撫茲漠漠愛此芊芊拂淨綠而
如掃洗幽馨而欲憐康樂始寧之墅文通記室
之年方抽思子攬物遂屬興於斯篇

書帶草賦

昔鄭康成曠代儒英覃思六經攷奇芳之呈瑞
產秀葉於前庭如芝穗子三穗忽無根而自茂
比蕙蘭子百畝復含翠而常馨宜嘉名之肇錫
昭素業之昌靈爾其叢薄繽紛莖苗披拂緣花
砌而依依繞文堦而鬱鬱乍同引綬舒銀艾子
齊腰更侶紆紉綰青純子為紱豈西塘之芳草
徒託詠於惠連異三徑之蓬蒿久淹留於仲蔚
出我藝林遂稱書帶色滋雨而蔥蔥態翻風而

藹藹若綳編之初散當軒而連此綳繩擬縹帙
之縱橫登几而遙看絳繚苔痕碧映宛宛簾前
日影紺多垂垂檻外况乎遙臨素篋近傍綈囊
堪親蒨笈交縈綺章不待為螢伴桂華而映字
曾非辟蠹爭芸藁而抽香青青則含露滋春之
點丹鉛之筆斐斐則和煙弄曉疑分汗竹之光
始依砌子連綿復敷陰子靡邈如倒薤而臨書
如編蒲而勸學非茅葺子從柔擬蓀蘅兮可握
被霜雪子何凋洒鮮飈兮更濯暑夫問揚子之

玄亭惟餘蕭藿入潘安之西宅空咏蘘荷雖萋
萋而自澤徒茁茁而寧多彼綫索以堪織或絲
蔓而如羅為組為綸爾雅之稱名既博將紉將
佩騷人之託興如何豈若揚烈文惟敷榮講席
吐秀質以懷新聚奇莖以轉積擢鳳羽而勝梳
結龍絃而可摘被幽厓子靡靡則山為教授常
披君子之風緣曲徑兮離離則澗接菖蒲恍對
仙人之石于是弟子動色門人載吟素懷而藜
杖何慚但相期乎道勝生意而當牕不翦足留

翫乎堂陰映錦帶以俱垂處士燕居之下拂乎
紳以並挂先生盛服而臨倘三鱸呂協兆豈猗
蘭而託音

蠅賦

覽豸族以相萬子既蠕蠢而何知獨蒼蠅之營
營子尤託質於么微非肖翹之栩栩兮異蜻蛚
之知機類實繇以有徒子群相從而為期徵歟
生之由然子出變化於餘灰狀醜扇于爾雅子
潛嘬膚而噬肌從何來而集此兮巧出入乎堂

惟憎榮利而懷俎子惟腥臭之竟馳非拔劍以
可逐子非舉袖子得揮見黑衣之在廷子方竊
挾乎權威更何人之館湏子將託焉以自迷附
騏驥而安能子過十步而已疫聲蕭蕭于閤室
子比聚蚊之成雷工熒惑于明聽子亂唱瞞之
鳴鷄變黑白而是工子玷素璧呂致疑彼止樊
而止棘子戒風人而厲辭此當畫而置冰子祈
側翅而去之昧穢濁于自惡子尚嚶咿子不移
安知夫秋序肅而凍烈子將銷糜子曷歸